



1 + 1

Կայք էջ՝ 1u1.am



ԳԵՂԱՐՔՈՒՆԻՔ ԳՅՈՒՂԻ ՄԻՋՆԱԿԱՐԳ ԴՊՐՈՑԻ ԹԵՐԹ 27 ՀՈԿՏԵՄԲԵՐԻ 2020թ. թիվ 10 (20)

ԵՂԵ՛Ք ՉԳՈՆ, ԴՈՒՔ ՊԱՏՎԱԽԱՎԱՏՈՒ ԵՔ



#Հարթություն

ՀԱՐԳԵԼԻ՛ ԸՆԹԵՐՑՈՂ-
ՆԵՐ, ՏԵՂԵԿԱՏՎԱԿԱՆ
ՏԻՐՈՒՅԹՈՒՄ ԽՆԴՐՈՒՄ
ԵՆՔ ՁԵՁ՝ ՕԳՏՎԵԼ ՄԻ-
ԱՅՆ ՊԵՏԱԿԱՆ ԼՐԱՏՎԱ-
ԿԱՆ ԿԱՅՔԵՐԻՑ: ՔԱՆԻ
ՈՐ ՄԵՆՔ ԲՈԼՈՐՍ ՇԱՏ
ՀԵՏԱՔՐՔՐԱՍԵՐ ԵՆՔ ԵՎ
ՓՈՐՁՈՒՄ ԵՆՔ ԱՎԵԼԻ
ՇԱՏ ՏԵՂԵԿՈՒԹՅՈՒՆ-
ՆԵՐ ԱՏԱՆԱԼ, ՊԱՐՏԱ-
ԴԻՐ Է ՏԱՐԲԵՐԵԼ ԻՐԱ-
ԿԱՆՆ ՈՒ ԿԵՂԾԸ՝ ԸՍՏ
ԼՈԳԻԿԱՅԻ:

ՃԻՇՏ ԿՈՂՄՆՈՐՈՇՎԵ-
ԼՈՎ՝ ԴՈՒՔ ԿԱՐՈՂ ԵՔ
ՃԻՇՏ ՈՒՂՈՒ ՎՐԱ ԴՆԵԼ
ՁԵՐ ՈՐՈՇՈՒՄՆԵՐԸ,
ԿՈՂՄՆՈՐՈՇԵԼ ՁԵՐ ՀԱ-
ՐԱՋԱՏՆԵՐԻՆ:

ՀԻՇԵ՛Ք, ՈՐ ԻՆՏԵՐՆԵ-
ՏԸ ՈՂ ՄԻԱՅՆ ՏԵՂԵ-
ԿԱՏՎԱԿԱՆ ԱՂԲՅՈՒՐ Է,
ՈՐԻՑ ԿԱՐԵԼԻ Է ՕԳՈՒՏ
ՔԱՂԵԼ, ԱՅԼ ՆԱԵՎ՝ ՄԻ
ՄԵԾ ՃԱՅԻՃ, ՈՐԸ ԿԱ-
ՐՈՂ Է ԽՈՒՃԱՊ ԱՏԵՂ-
ԾԵԼ ԵՎ ԿՈՐԾԱՆԵԼ
ԿՅԱՆՔԵՐ:

ԴԻՄԱ՛Կ ԿՐԵՔ, ԽՆԱ-
ՅԵ՛Ք ԲԺԻՇԿՆԵՐԻՆ,
ՈՐՈՆՔ ՋԲԱԴՎԱԾ ԵՆ
ՎԻՐԱՎՈՐ ՋԻՆՎՈՐՆԵՐԻ
ԿՅԱՆՔԵՐ ՓՐԿԵԼՈՎ:

ԴԻՄԱԿԻ ՊԱՏՇԱՃ
ԿՐՈՒՄԸ, ՁԵՌՔԵՐԻ ԱԽ-
ՏԱՀԱՆՈՒՄԸ և ՖԻԶԻԿԱ-
ԿԱՆ ՀԵՌԱՎՈՐՈՒԹՅԱՆ
ՊԱՀՊԱՆՈՒՄԸ ԵՐԱՇԽԱ-
ՎՈՐՈՒՄ ԵՆ ԿՈՐՈՆԱՎԻ-
ՐՈՒՄԻ ՏԱՐԱԾ-
ՄԱՆ ԿԱՆԽՈՒՄԸ: **1**

 Հարգելի՛ քաղաքացիներ, մենք գտնվում ենք պատերազմական վիճակում և պետք է գիտակցենք, որ եթե թշնամին կրակում է սահմանամերձ բնակավայրերի կամ Արցախի ուղղությամբ, չի կարող չդիմել սադրանքի ուրիշ բնակավայրերի ուղղությամբ եւս: Դրա համար պետք է լինել զգոն եւ ձեռնարկել համապատասխան քայլեր հետեւյալ իրավիճակների դեպքում:
 -Ուշադիր եղեք անձանոթ մարդկանց և տրանսպորտային միջոցների նկատմամբ, որոնք կհայտնվեն ձեր



համայնքում, փորձեք պարզել նրանց ինքնությունը, նկարեք սմարթֆոնով, անհրաժեշտության դեպքում զանգահարեք 911 /փրկարարական ծառայությունը/:
 - Ուշադիր եղեք դաշտերում օտար մարդկանց և ավտոմեքենաների շարժին, տեղյակ պահեք համայնքի ղեկավարին:
 - Նկուղային հարկերը կարգի՛ բերեք և հարմարեցրե՛ք թաքստոցային պայմաններին:

-Համայնքում սահմանեք և կազմակերպեք գիշերային հերթապահություն:
 - Համայնքային ջրամբարները վերցրեք հսկողության տակ:
 Հարգելի՛ հայրենակիցներ, այս բոլոր միջոցառումները պարտադիր են, եղեք զգոն, թույլ մի տվեք սադրիչներին ներթափանցել ձեր համայնքներ:
Գեղարքունիքի մարզային փրկարարական վարչության պետի տեղակալ Փ/Ծ փոխգնդապետ Գարեգին Հակոբյան

«Օդային տագնապ» ազդանշանի դեպքում
 ՇՉԱԿՆԵՐԻ ՄԻՋՈՅՈՎ ՏՐՎՈՒՄ Ե ԸՆԴՀԱՏՎՈՂ /ՏԱՏԱՆՎՈՂ/
 ՉԱՅՆԱՅԻՆ ԱՋՂԱՆՇԱՆ՝ 2-3 ՐՈՊԵ ՏԵՎՈՂՈՒԹՅԱՄԲ:
 Ձանգվածային լրատվամիջոցներով և բջջային հեռախոսներով տրվելու է հաղորդագրությունը:
 Հարգելի քաղաքացիներ, հայտարարված է «Օդային տագնապ», խնդրում ենք պատասխարվել պաշտպանական կառույցներում:
ՔԱՂԱՔԱՅԻՆ ՏՐԱՆՍՊՈՐՏՈՒ ԳՏՆՎԵԼԻՍ

ՕԴԱՅԻՆ ՏԱԳՆԱՊ
 • Չլքել տրանսպորտային միջոցը ընթացքի ժամանակ և չխոչընդոտել վարորդի գործողություններին:
 • Տրանսպորտային միջոցը կանգնելուց հետո արագ, բայց առանց խուճապի, դուրս գալ փողոց և պատասխարվել մոտակա թաքստոցում:
 • Բաց տարածքում կարելի է թաքնվել ճանապարհամերձ առվակներում, հեղեղատարներում, տարբեր տեսակի փոսորակներում, թմբապատներում և ոչ բարձր պատներում:
 ների /պատերի/ հետևում:
 • Եթե թաքստոցի պատները չի բավարարում կանգնած կամ նստած պատասխարվելու համար, ապա անհրաժեշտ է պառկել դեմքով դեպի ներքև ձեռքերով փակելով գլուխը:
 • Թաքնված դիրքում հայացքով զննահատել տարածքում կարճ արագավազքով տեղաշարժման և միջանկյալ պատասխարման հնարավորությունները և հրետակոծության դադարի դեպքում արագ տեղաշարժվել առավել անվտանգ վայր:

ԱՆՅՐԱԺԵՇՏ Ե ՀԻՇԵԼ ՆԱԵՎ, ՈՐ ՈՄԲԱԿՈՇՈՒԹՅԱՆ ԺԱՄԱՆԱԿ ԱՆՅՐԱԺԵՇՏ Ե ԲԱՑԵԼ ԲԵՐԱՆԸ ԵՎ ՉԵՌՔԵՐՈՎ ՓԱԿԵԼ ԱՎԱՆՁՆԵՐԸ:
 «Օդային տագնապի ավարտ» ազդանշանը տրվում է
 չչակների միջոցով՝ անընդհատ /չընդհատվող/ ձայնային ազդանշանով
 /2-3 րոպե տևողությամբ/, որից հետո անհրաժեշտ է հետևել հեռուստատեսությամբ, ռադիոհեռարձակմամբ, բարձրախոսներով տրվող պաշտոնական հաղորդագրություններին:

Թաքստոցները շենքերի և շինությունների նկուղներն ու կիսանկուղներն են, ստորգետնյա շինությունները, բնական միջավայրի խորացված տարածքները, խորշերն ու անձավները, հանքախորշերը, ստորգետնյա անցումները:
ՊՆՐՁԱԳՈՒՅՆ ԹԱՔՍՏՈՑՆԵՐԸ ԿԱՍ ՊԱՏԱՊԱՐԱՆ ԿԱՅՐԵՐՆ ԸՆՏՐԵԼԻՍ ԿԱՐԵՎՈՐ Ե ԻՄԱՆԱԼ, ՈՐ
 • Թաքստոցներն ու պատասխարման վայրերը պետք է ընտրել հնարավոր խոցման ռազմավարական թիրախ հանդիսացող օբյեկտներից հնարավորինս հեռու:
 • Պատասխարման վայրերը պետք է ընտրվեն այն տեղերում, որոնք չունեն լրացուցիչ կամ երկրորդային խոցման հնարավորություն, օրինակ՝ ջրաղողման կամ փլուզումների հետևանքով ել-

ԹԱՔՍՏՈՑՆԵՐ
 քերի փակում:
 • Նախապես ընտրել և օդային տագնապի դեպքում զբաղեցնել այնպիսի թաքստոցներ, ինչպիսիք են խցերը, նկուղային հարկերը, ստորգետնյա կառույցները, թունելները, խորշերը և այլն, որոնք օժտված են առավելագույն պաշտպանական հատկություններով:
 • Չբաղեցնել, սարքավորել և կահավորել այնպիսի թաքստոցներ, որոնք հնարավոր կլինի առավելագույնս քողարկել և օգտագործել բազմակի անգամներ:
ԽՈՐՀՈՒՐ Ե ՏՐՎՈՒՄ ՔԱՂԱՔԱՅԻՆԵՐԻՆ՝ ԹԱՔՍՏՈՑՆԵՐ ԿԱՅՐՎՈՐԵԼԻՍ ԱՅՆՏԵՂ ՈՒՆԵՆԱԼ՝
 • Առաջին անհրաժեշտության դեղամիջոց-

ներ,
 • Որոշակի քանակությամբ սննդամթերք և ջուր,
 • Նստատեղեր, մահճակալ, տաք ծածկոցներ, անհրաժեշտ այլ իրեր,
 • Կապի միջոցներ /հեռուստացույց, ռադիո և այլն/
 • Լապտերներ, մոմեր /նավթավառ/, լուցկի, ՇՆչադիմակ /այլ անհատական պաշտպանության միջոցներ/,
 • Որոշակի գործիքներ /լուծ, բահ, մուրճ /կրան/ և այլն/ անհրաժեշտության դեպքում փրկարարական և այլ անհետաձգելի աշխատանքներ իրականացնելու համար,
 • Երեխաների համար խաղեր, խաղալիքներ և այլն:

ՊԵՏՈՒԹՅՈՒՆԸ ՀՁՈՐ Ե ԻՐ ԹԻԿՈՒՆՔՈՎ

Մենք ԱԻՆ-ի հանձնարարականով այցելեցինք ճամբարակ համայնք, շրջեցինք տարբեր դպրոցներում, ծանոթացանք ուսուցչական կոլեկտիվների հետ:
 Մեր հայրենիքը շատ գեղեցիկ է ու տարբեր:
 Երբ անտառամիջյան ճանապարհով բարձրանում էինք Կալավան, ծառերի գ ո լ յ ն գ գ ո լ յ ն տերևները կարծես ժպտում էին: Մենք շատ զարմացանք, երբ տեսանք, թե ինչպես են խոզերը առանց հսկողության շրջում անտառում:
 Պատմեցին՝ եղել են դեպքեր, որ օրերով խոզերը և կովերը համարվել են կորած, բայց հետո անակնկալ վերադարձել են տերերի մոտ:
 Կալավանի դպրոցը փոքր է՝ այնտեղ սովորում են 20-30 աշակերտ: Դպրոցի վաստակաշատ տնօրեն Չվարթ Քեչիշյանը հիացմունքով է խոսում ուսուցիչների և աշակերտների մասին, ովքեր ջանք ու եռանդ չեն խնայում հայրենի եզերքի շենացման և պաշտպանության գործում:
 Այցելեցինք նաև Այգուտ գյուղ, որտեղ հիմնովին վերանորոգվել էր դպրոցը. այդ մասին պատմեց Արա Երիցյանը: Նա իսկական հայրենասեր ու իր գործին նվիրված անձնավորություն է, նա իր սեփական օրինակով երեխաներին մատուցում է հայրենասիրության դասեր: Տեղեկանալով, որ հեռվից ենք եկել, հյուրընկալողի իրավունքով պարտադրեց օգտվել հյուրասիրությունից: Շատ հավանեցինք Այգուտի պանիրը:
 Ապա այցելեցինք Աղբերքի միջնակարգ դպրոց, ծանոթացանք դպրոցի տնօրեն Ղալեշյան Անահիտի հետ, ով մի սքանչելի և հայրենասեր անձնավորություն է: Նրան լսելով՝ նոր ուժ ու ոգի ես առնում՝ մոռանալով պատե-

րազմական օրերի դաժանություններն ու դժվարությունները:
 Մենք այցելեցինք և հետաքրքիր հանդիպումներ ունեցանք՝ նաև ճամբարակի N 1 հիմնական, ճամբարակի Մ. Քոչարյանի անվան N 2 հիմնական, ճամբարակի N 4 միջնակարգ, Անտառամեջ, Գետիկ, Դպրաբակ, Դրախտիկ, Թթուջուր, Մարտունի, Շողակաթ, Ջիլ համայնքների և հատկապես Վահան գյուղի դպրոցների ուսուցչական կոլեկտիվների հետ:
 Մենք խորին շնորհակալություն ենք հայտնում այդ մարդկանց՝ հերոս, բանիմաց, քաջ տղաներ ու աղջիկներ դաստիարակելու համար:
 Մեզ մշտապես այդ օրերին ուղեկցում էր ճամբարակ համայնքի հրշեջ փրկարարական ջոկատի կապիտան Միշա Մուժիկյանը, նա այն մարդն է, ով միշտ իր տեղում է, նրա բոլոր ասածները վկայում են այն մասին, որ ինքը ապրում է իր համայնքի հաջողություններով և հոգսերով:
 Շնորհակալություն ենք հայտնում Միշա Մուժիկյանին և ամբողջ ճամբարակի փրկարարական ջոկատին՝ իրենց հայրենամարտի աշխատանքի համար:
1+1 թերթի խմբագրություն

ՀՈԳԵԲԱՆԱԿԱՆ ՃՆԵՈՒՄԸ ՊԱՏԵՐԱԶՄԻ ԺԱՄԱՆԱԿ

Դեռ վաղ ժամանակներից գոյություն է ունեցել հոգեբանական ազդեցություն հակառակորդի վրա գործոնը:
 Չինգիզ խանը և Հաննիբալը մինչև իրենց ճակատամարտի սկսելը լուր էին տարածում հակառակորդի թիկունքում, թե ինչքան անհաղթ, ահռելի և հզոր զինատեսակներ ունեն: Առաջին համաշխարհային պատերազմի ավարտից հետո Արևմտյան երկրներում գրվեցին տասնյակ աշխատություններ՝ հոգեբանական պատերազմի վերաբերյալ, տարբեր համալսարաններում բացվեցին ֆակուլտետներ, որտեղ ուսումնասիրվում էր հոգեբանական պատերազմը: Այդ բնագավառի պրոֆեսորներից մեկը գրեց հետևյալը. «Ժամանակակից պատերազմում հիմնական նպատակն է ոչ թե ոչնչացնել հակառակորդի գործերը, այլ ներսից քայքայել, ըմբոստացնել ժողովրդին, որպեսզի նրանք պահանջեն իրենց իշխանությանը՝ գնալ խաղաղության»:
 Երկրորդ համաշխարհային պատերազմի ժամանակ գերմանացիների կողմից ստեղծվել են ջոկատներ, ովքեր քարոզչություն էին տանում իրենց ժողովրդի և բանակի մեջ, պատերազմի գոտում զինվորների հետ, թշնամու տարածքում: Գերմանացիներն իրենց ամենամեծ քարոզարշավին հասան 1940 թվականին, երբ մի քանի ամիս առաջ, մինչ Ֆրանսիա մտնելը, կեղծ ռադիոհաղորդումների միջոցով քննադատում էին Ֆրանսիայի իշխանությանը, որն էլ ստեղծեց վախի մթնոլորտ և հիմնական պատճառ դարձավ, որ Գերմանիան հեշտությամբ գրավեց Ֆրանսիան:
 Ֆրանսիացիները ստեղծեցին զինվորական քարոզչական ծառայություն, որը ազդում էր հասարակության վրա թռուցիկների միջոցով:
 21-րդ դարում՝ պատերազմական դրության ժամանակ, պետության կողմից պետք է վերահսկվեն լրատվամիջոցները: Կարևոր դեր է խաղում հասարակության մեջ հեղինակություն վայելող մարդկանցից տարածվող լուրը: Ամենամեծ տարածում ունեցող հոգեբանական պատերազմը բաժանվում է 3 խմբի.
 1. Հոգեբանական ճնշում- դա երկար խոսքն է սուտ թեզիսների մասին, որը անօգուտ է և թափանցում է մարդու գիտակցության մեջ՝ օգտագործելով մեր բնագոյի թույլ կողմը:
 2. Չնկատվող ներթափանցում մարդու գիտակցության մեջ, խոսել լավ ու հեշտ կյանքի մասին. օրինակ՝ սերիալները:
 3. Թաքնված խանգարումներ, որոնք հակասում են լոգիկայի օրենքներին:
1+1 թերթի խմբագրություն



Հագարավոր մարդկանց կորուստ, խեղձած ճակատագրեր...

Նորից իմ բազմաշարժար հայրենիքում պայթեցին արկերը, զոհվեցին հարյուրավոր անմեղ մարդիկ, ովքեր ապրում, արարում են իրենց երկրում, արդար քրտինքով վաստակում հանապազօրյա հացը:

2020թ. սեպտեմբերի 27... Ցեղասպան թուրքիան որոշեց իր արյունակից, խամաճիկ Ադրբեջանի ձեռքով ավարտին հասցնել իրենց արյունարբու նախնիների ծրագրած, բայց տրամաբանական ավարտին չհասցրած, հարյուրամյա կիսատ թողած գործը բնաջնջել հայերին, հայրենագրել և

ՊԱՏԵՐԱԶՍ

իրագործել պանթուրքիզմի ծրագիրը՝ ստեղծելով Մեծ Թուրանի Բուսֆորից Սիբիր:

Սակայն նրանք անտեսել էին Վարդանանց, Վահանանց պատերազմների, Սարդարապատի հերոսամարտի դասերը: Արդյունքում մեր սահմանները անասան են, հայ ժողովուրդը Հայաստան, Արցախ, Սփյուռք՝ միակուռ, ամուր կանգնած իր հողին:

Սահմանում չկարողանալով լուրջ առաջխաղացում ապահովել ադրբեջանցիները սկսեցին թիրախավորել խաղաղ բնակավայրերը: Կատաղած թշնամու անօդաչու սարքերի թիրախավորված հարվածներից գերծ չմնաց Հայաստանի Հանրապետության Գեղարքունիքի մարզը, մասնավորապես՝ Վարդենիսի սահմանամերձ գյուղերը:

Տեղեկանալով Վարդենիսի սահմանամերձ գյուղերի ռմբահարման մասին «1+1» դպրոցական թերթի խմբագրության նախաձեռնությամբ տպագրվեց և բազմացվեց «Քաղաքացիական պաշտպանություն օդային տագնապի դեպքում» իրազեկման թերթիկը: Թերթի խմբագրությունը, համագործակցելով ԱԻՆ-ի հետ, որոշեց դպրոցի ուսուցիչներից կազմված մի խումբ ուղարկել Վարդենիսի սահմանամերձ գյուղերը՝ սատար կանգնելու, ոգեշնչելու բնակչությանը և թերթիկների օգնությամբ իրազեկելու բնակիչների գործողությունները մասին հնարավոր օդային տագնապի դեպքում:

Որոշվեց Վարդենիս մեկնող ուսուցիչներին բաժանել երկու խմբի, որպեսզի նրանք կարողանան շրջել սահմանամերձ գյուղերի բոլոր թաղամասերում:

Առաջին կանգառը սահմանամերձ Շատվան գյուղն էր:

Մի պահ մեզ թվաց, թե գյուղացիները լքել են իրենց տները, սակայն երբ խորացանք գյուղամեջ, զարմանքից կարկամեցինք: Կարծես թե ոչինչ տեղի չէր ունեցել: Գյուղացիները զբաղված էին իրենց ամենօրյա աշխատանքով, ոմանք էլ՝ բերքահավաքով: Տեսնելով անծանոթ մարդկանց նրանք շրջապատեցին մեզ: Մեր զրուցակիցներից միսկին գյուղապետ Լյովա Աբրահամյանը և դպրոցի փոխտնօրեն տիկին Նինան, միմյանց լրացնելով, ներկայացրին էին գյուղի պատմությունը: Բաքվից ու Կիրովաբադից ներգաղթած և Շատվանում բնակություն հաստատած հայորդիները ամուր կանգնած են հայրենի հողին, և ընկրկելու տեղ չկա: Գյուղացիներից մեկը մեզ ուղեկցեց իր տնամերձը, ուր մխրձվել էր թշնամու ակաճը՝ ճանապարհին հրկիզելով ամեն ինչ: Մեր հարցին, թե չեն վախենում թշնամու հնարավոր հրետանակոծությունից, գյուղացիների պատասխանը մեկն էր՝ հզոր բանակին ամուր թիկունք է պետք:

- Մենք այստեղ մեր որդիների, հայ զինվորի կողքին ենք և պահում ենք նրանց թիկունքը:

Մեր հաջորդ կանգառը սահմանամերձ Մեծ Մասրիկ գյուղն էր, որը Վարդենիսի ամենամեծ համայնքներից է: Համայնքը ևս Արցախի գյուղերի նման թիրախավորվեց և ռմբահարվեց: Արդյունքը անդառնալի էր՝ մեկ զոհ և երկու վիրավոր:

Հայ մայրերի, կանանց, քույրերի հավատը հաղթանակի հանդեպ, մեր եղբայրների, հայրերի անսասան կամքը, սերը մեր սուրբ հայրենիքի նկատմամբ անքննելի է: Ամուր է մեր թիկունքը, իսկ հզոր բանակին, առաջնագծին պահողը ամուր թիկունքն է:

Ահա այս մտորումներով մենք վերադարձանք ճանապարհին սահմանամերձ համայնքներում բաժանելով իրազեկող թերթիկները:

Հաղթել ենք, հաղթում ենք, հաղթելու ենք:
Ջենմա Խաչատրյան

ՎԵՐՋԻՆ ՄԱՐՏԸ



կլինի, բայց...

Ամեն գիշեր զուլխս բարձին դնելուց առաջ աղոթում եմ մեր զինվորների խաղաղ ծառայության ու բարի վերադարձի համար՝ հույս ունենալով, որ պատերազմը կավարտվի, ու ամեն ինչ անցյալում կմնա: Այսօր պատերազմի 25-րդ օրն է, օրերը մի տեսակ դանդաղ են անցնում, կյանքում կորել են բոլոր հետաքրքրությունները: Հիմա եմ հասկանում, թե ինչ չնչին բաներից են մեղվել, լաց եղել չգիտակցելով, որ կյանքում ավելի կարևոր բաներ էլ կան: Իսկ ամենակարևորը խաղաղությունն է...

Չոհված հերոսների անունները կարդալիս շունչս պահում եմ, միայն թե ծանոթ անուն չհանդիպի, բայց, Աստված իմ, բոլորն էլ մերն են, իմ, քո, նրա հերոսն են: Շնորհակալ եմ, հերոսներ, որ ձեր չապրած տարիները նվիրեցիք մեզ: Չէ որ ձեզնից յուրաքանչյուրը մի տան ճրագ էր, մեկի տղան, մեկի ընկերը...

Ինչպես մորը բացատրես, որ հողն ավելի թանկ էր, քան իր որդին: Չես կարող բացատրել...

Ինչպես ասում են, հույսը վերջինն է մեռնում: Թող առավոտյան լռեն բոլոր զենքերը, թնդանոթները, թող հերոսները զանգեն իրենց մայրերին ու ասեն. «Մամ ջան, պատերազմն ավարտվեց, ամեն վտանգ վերջացավ»:

**Ռոզա Աբրահամյան
Գ. Գանձակ**

ԹԻԿՈՒՆԸՐԸ ՄԻՇՏ ԶԳՈՆ Է

Հոկտեմբերի 7-ին «1+1» թերթի խմբագրությունը Գեղարքունիք գյուղի մի խումբ ուսուցիչների հետ այցելեց Գեղարքունիքի մարզի Վարդենիս քաղաքի սահմանամերձ փոքրիկ Շատվան համայնք, որը ևս պատերազմական այս օրերին ենթարկվեց ռմբակոծությունների: Մեր խմբի նպատակն էր հոգեբանական օգնություն ցուցաբերել տեղի բնակիչներին և նրանց ծանոթացնել քաղաքացիական պաշտպանության նորմերին օդային տագնապի ժամանակ: Հասնելով Շատվան հանդիպեցինք մի տարեց տղամարդու, ում հետ զրուցեցինք երկուսը տիրող իրավիճակի մասին: Լսեցինք նաև իր կարծիքը:

Մեր հարցին, թե արդյոք տեղեկացված է՝ ինչ պետք է անել օդային տագնապի և իրազեկումների դեպքում, նա պատասխանեց:
- Իհարկե, տեղեկացված եմ, համայնքի բնակիչներին ևս փորձել եմ իմ ուժերի ներածին չափով տեղեկացնել այդ ամենի մասին: Հորդորել եմ զերծ մնալ հեռախոսագանգերի ընթացքում պատերազմական իրավիճակի վերաբերյալ քննարկումներից, ինչպես նաև չտարածել չճշտված տեղեկություններ և հավատալ միայն պաշտոնական լրահոսին:

Հանդիպեցինք նաև համայնքի այլ բնակիչների և նրանց ևս հորդորեցինք զերծ մնալ ապատեղեկատվու-



թյուն տարածելուց և համացանցում վիրավոր կամ անհայտ կորած զինվորների լուսանկարները տարածելուց: Եղանք նաև Մեծ Մասրիկ գյուղում, համայնքի բնակիչներին բաժանեցինք թռուցիկներ՝ Քաղաքացիական պաշտպանություն օդային տագնապի դեպքումն թեմայով:

Այցելեցինք նաև ուրիշ համայնքներ՝ Ծովինար, Արծվանիստ, Վարդենիկ և այլ, համայնքապետարաններին տվեցինք «1+1» թերթի կողմից տպագրված թռուցիկները և խնդրեցինք, որ բաժանեն համայնքի բնակիչներին:

Կարծում եմ՝ մեր այցը ստացված էր: Եիշտ է, բնակիչները որոշ չափով իրազեկված էին, բայց մենք ևս մեկ անգամ փորձեցինք աշակցել...

1+1 թերթի խմբագրություն

*Աշնան մի խաղաղ, պայծառ առավոտ,
Երբ թռչունները կրակի ծայնից
սարսափ ապրեցին...
Երան կազմեցին ու Հայաստանից
չվեցին հեռու,
Այդժամ մեր պոստում կանգնած տղերքը
Իրենց շարքերը համալրեցին,
Ու զենք բռնեցին իրենց ձեռքերում՝
Թշնամու հոտը մեզնից վանելու...
Շատերը ընկան հերոսի մահով
Ու մեր աչքերում արտասուք դարձած
Քնեցին հավերժ,
Շատերը իրենց կյանքը դրեցին
խաղասեղանին
Ու պայքարում են մինչև առ այսօր.
Մենք սպասում ենք, ասել են կգան:
Մենք հաղթելու ենք,
Արցախը վկա,
Մեզ չեն հաղթելու ո՛չ թուրքը, ոչ նրանք,
Ովքեր կազմել են անկենդան մի հոտ,
Աստված է վկա...*

Լուսինե Առաքելյան

**ՊԱՅՔԱՐ ՀԱՆՈՒՆ
ԱՊԱԳԱՅԻ**

Հարգելի՛ հայրենակիցներ, մենք երեխաներս, չենք հիշում ժամանակ, երբ տագնապով և հուզմունքով բանակ ենք ճանապարհել մեր եղբայրներին և հարազատներին, քանի որ այդ դանդաղ ընթացող պատերազմն ուներ իր օրենքները և, ցավոք, նաև իր զոհերը: Թշնամին հերթական անգամ հարձակվել է մեր հայրենիքի վրա, մենք հարյուրավոր տարիների պատմությունից արդեն գիտենք նրանց ձեռագիրը, մենք շատ ուրախ ենք, որ ապրում ենք ժողովրդավարական երկրում և կրկնակի ուրախ ենք, որ մեր ղեկավարները չունեն ցանկություն՝ վաճառել մեր ապագան իրենց բարեկեցության համար: Մենք ուզում ենք մեծանալ և ստանալ կրթություն ազատ և ինքնիշխան երկրում: Մենք կարող ենք զրկել մեզ այն



Ալլա Աբրահամյան

ՊԱՏԵՐԱԶՄԻ ԱՄՐԱՓԻ ԱԿԱՆԱՏԵՆԵՐԸ



քաջ առողջություն և գորու-
թյուն, թող այլևս ոչ մի զոհ
չլինի, քանի որ բոլորի հարա-
զատները սպասում են իրենց
գավակների վերադարձին:
Մենք հաղթել ենք, հաղթում
ենք ու պիտի հաղթենք:
Ես Ջուլիետա Ղուլյանս, իմ
շնորհակալությունն են հայտ-
նում Արայիկ Աբրահամյանին
ընտանիքիս կողքին լինելու
և մեզ պաշտպանելու հա-
մար:

Ես Ջուլիետա Սուրենի
Քաղաքապետն եմ, ծնվել եմ
2008 թվականի մարտի 1-ին,

Ես Ջուլիետա Արմենակի Ղուլյանս,
ծնվել եմ Լեռնային Ղարաբաղի Հան-
րապետության Ստեփանակերտ քա-
ղաքում: Տեսել եմ երեք պատերազմ:
1992 թվականին սկսվեց առաջին
պատերազմը: Մենք չգիտեինք դա
ինչ բան է, որովհետև գործում էր
գրադ, ալազաք, պուշկա: Թխելու
(խփելու) ժամանակ մենք հաշվում
էինք, թե գրադ կայանից քանի հատ
էին զգում Ստեփանակերտ քաղաքի
վրա: Թեև մենք ապրում էինք նկուղ-
ներում, բայց դա այդքան սարսափե-
լի չէր, որովհետև դրանց հանգստի
ժամը գիտեինք ու այդ ժամերը օգ-
տագործում էինք հաց, ջուր բերելու
և այլ կարիքներ հոգալու համար: Մի
կերպ պրծանք այդ պատերազմից,
տարիներ հետո սկսվեց քառօրյա
պատերազմը: Քառօրյայի ժամանակ
խաղաղ բնակչությունը չէր տուժում:
Ենչտ է, մենք ունեինք զոհեր, բայց ոչ
այսքան... 2020 թվականի սեպտեմ-
բերի 27-ի առավոտյան 7:10 ռոպեին
թափվեցին առաջին հարվածները
Ստեփանակերտ քաղաքի վրա. ում-
բակոծում էին: Տեսանք, որ հնարավոր-
ություն չկա երեխաներին նկուղում
պահել, այդ ժամանակ մեզ օգնու-
թյան ձեռք մեկնեց Քեղարքունիքի
մարզի Քեղարքունիք գյուղի բնակիչ
Արայիկ Աբրահամյանը, ով մեքենա
գտավ և երեխաներին հասցրեց
իրենց տուն: Ես, լինելով այդ երեխա-
ների տատիկը, չցանկացա իրենց
հետ մեկնել Հայաստան, որովհետև
տղաս և հարսս պաշտպանության
նախարարությունում էին աշխատում,
և ես պետք է նրանց կողքին լինեի: Մի
քանի օր անց, երբ արդեն դրությունը
ավելի վատացավ, ու այլևս հնարա-
վոր չէր պաշտպանվել նկուղում, մեզ
կանանց, ավտոբուսով տեղափոխե-
ցին Քորիս: Եվ նորից օգնության ձեռք
մեկնեց Արայիկ Աբրահամյանը ու ինձ
բերեց իր տուն թոռնիկներին մոտ,
իսկ տղաս և հարսս մնացին թշնամու
երախում: Այժմ ես ինձ պաշտպան-
ված եմ զգում այս ընտանիքում: Ես
մաղթում եմ մեր բոլոր տղաներին

քաղաք Ստեփանակերտում: 2020
թվականի սեպտեմբերի 27-ին ադր-
բեջանական զորքերը թիրախավորե-
ցին խաղաղ բնակչությանը և սկսե-
ցին զնդակոծել բնակավայրերը: Բո-
լորս խուճապի մեջ էինք: Երբ լսեցինք
տազնապի ձայնը, բոլորով միասին
իջանք նկուղները: Պատահում էր, որ
մի քանի ժամով բարձրանում էինք
տուն, բայց երբ կրկին տազնապի
կամ կրակոցի ձայներ էինք լսում, կր-
կին իջնում էինք նկուղ: Ադրբեջանա-
կան զորքերը առավտից երեկո գն-
դակոծում էին մեր քաղաքը, և մենք
ստիպված էինք լինում նկուղներում
անցկացնել մեր ամբողջ օրը: Նկու-
ղում շատ երեխաներ կային, որոնց
հետ կարծես մենք քույր և եղբայրներ
լինեինք, մենք հոգ էինք տանում մի-
յանց մասին և ամեն ինչ կիսում իրար
հետ: Սեպտեմբերի 29-ին ծնողներս
որոշեցին, որ մենք՝ ես, քույրս և եղ-
բայրս, պետք է դուրս գանք Ստեփա-
նակերտից, և մեզ ուղարկեցին Քե-
ղարքունիքի մարզի Քեղարքունիք
գյուղը մեր հարազատի տուն: Ստե-
փանակերտից մենք մեքենայով հա-
սանք Հայաստանի սահման, որտե-
ղից էլ մեկ այլ մեքենայով մեզ բերե-
ցին Քեղարքունիքի մարզ: Մի քանի
օր անց մեզ միացավ նաև իմ տատի-
կը, իսկ ծնողներս դեռ Ստեփանակե-
րտում են: Մենք այստեղ մեզ շատ լավ
ենք զգում: Այստեղ հաճախում ենք
դպրոց և ձեռք ենք բերել շատ ընկեր-
ներ, որոնց հետ խաղում ենք նաև դա-
սերից հետո: Մեր նոր ուսուցիչներն
ու դասընկերները մեզ շատ են սիրում
ու հարգում, և այդ ամենը փոխա-
դարձ է: Ես սովորում եմ 7-րդ դասա-
րանում, եղբայրս 9-րդ, իսկ քույրս 3-
րդ: Մենք շատ ենք կարոտում մեր
քաղաքը, մեր դպրոցը և մեր հարա-
զատներին ու հուսով ենք, որ այս
պատերազմը շուտ կվերջանա, և
մենք նորից կանցնենք մեր անհոգ
կյանքին Ստեփանակերտում:

ՀԱՂԹԵԼՈՒ ԵՆՔ
**Ջուլիետա Քաղաքապետ
Ք. Ստեփանակերտ**

ՀԱՅՐԵՆԻՔԸ ՍԿՎՈՒՄ Է ՀԱՅՐԵՆԻ ԳՅՈՒՂԻՑ

2020 թվականի սեպտեմ-
բերի 27-ին Ադրբեջանը լայ-
նածավալ ռազմական հար-
ձակում սկսեց շփման գծի
ողջ երկայնքով, ադրբեջա-
նաթուրանական միջնե-
տամները զինված բանա-
կին եւ իսլամիստ գրոհային-
ներին հետ էին մղում մեր
ժամկետային և պայմանագ-
րային զինծառայողները,
սակայն պատերազմի լուրը
լսելով ամ-
բողջ հանրապետությունում միանգամից
կազմվեցին կամավորական ջոկատներ և
մեկնեցին մարտի դաշտ: Մեր համայն-
քում ևս կազմակերպվեց կամավորների
հավաքագրում, և մեր կամավորները
ուղևորվեցին դիրքեր: Այսօր շատերը
մարտի դաշտում են և կռվում են հանուն
հայրենիքի: Նրանցից ոմանք վերադար-
ձել են գյուղ և հյուրընկալվել «1+1»
թերթի խմբագրություն:



Մեր հյուրերն էին կամավորականներ
Օճիկ Ասպոյանը, Ռուբիկ Գրիգորյանը,
Ավետիք Այվազյանը և Արմեն Կարապետ-
յանը: Ինչույցը հայրենասիրական և դաս-
տիարակական բնույթ էր կրում: Նաև խո-
սեցին, թե որտեղ են իրենք իրենց ժամկե-
տային ծառայությունը անցկացրել: Ավե-
տիք Այվազյանը ծառայել է Արցախի
Հանրապետության Մարտունի 3 շրջա-
նում, Արման Կարապետյանը՝ Գորիսում,
Ռուբիկ Գրիգորյանը՝ Մատաղիսում, իսկ
Օճիկ /Գրիգ/ Ասպոյանը կռվել է 90-ա-
կան թվականներին և մասնակցել տար-
բեր մարտերի: այս օրերին իրենց կա-
մավորական պարտականությունները
իրականացրել են Օմարի լեռնանցքում:

տը, որ մենք դիրքը գրավելուց տալիս
էինք քիչ կորուստ, իսկ հակառակորդը
մի մեծ մեքենայով դիակ էր տեղափո-
խում, դա մեզ համար հպարտություն էր:
-Ի՞նչ եք կարծում, մենք թշնամուն գր-
կու՞մ ենք կյանքի իրավունքից:
Մեր կամավորներից Ավիլը մեջբերեց Նժ-
դեհի խոսքերը և ասաց.
«Ես թուրք եմ սպանել, բայց մարդաս-
պան չեմ», - այդ խոսքերը ասում են
ամեն-ինչ:

-Իսկ ի՞նչ քաղցիք պատերազմից, ինչ
տվեց այն ձեզ:
-Պատերազմը շատ բաներ տվեց մեզ,-
պատասխանեց Արման Կարապետյանը,-
10 օր մարտեր մղելով հասկացա, որ
պայմանագրային զինծառայողի աշխա-
տանքը ամենակարևորն է, նրանք այդ աշ-
խատանքի մեջ իրենց կյանքն են դնում,
բայց չեն վարձատրվում ըստ արժան-
վույն, նրանք պետք է ոչնչի կարիք չու-
նենան ու ստանան պետության կողմից
մեծ աջակցություն, քանի որ նրանք մեր
սահմաններն են պահում, իսկ հայրենի-
քը սկսվում է սահմանից:
-Պատերազմի ընթացքում հետաքրքիր,
ծիծաղաշարժ դեպքեր եղե՞լ են:
Մինչև հոկտեմբերի 2-ը մարտերի մեջ
էինք, հուճուրդ անելու տրամադրություն էլ
չկար, բայց լարված մթնոլորտ վերաց-
նելու համար կատակներ անում էինք:
-Ի՞նչ խորհուրդ կտաք մեր ապագա
զինվորներին:
- Խորհուրդը մեկն է լինել հայրենասեր,
քաջ, գիտակցել, որ սա անում ես քո ըն-
տանիքի, քո ընկերոջ ընտանիքի, քո
ազգի համար:
-Իսկ պատերազմում գիտելիք պե՞տք է:
-Իհարկե, պարտադիր չէ, որ ունենաս
բարձրագույն կրթություն, բայց պետք է
ունենաս գիտելիք, որպեսզի գրագետ կռ-
վես, հասկանաս, թե ինչպես օգտագոր-
ծես ռեսուրսները, որ կորուստներ չունե-
նաս:
Վերջում մեր ավագ կամավոր Օճիկ Աս-
պոյանը հայտնեց իր շնորհակալությու-
նը մեր երիտասարդներին, ասաց, որ
մենք պետք է հպարտանանք, որ ունենք
մանա տղաներ, շեշտեց մեր ապագան
հուսալի ձեռքերում է, որովհետև ունենք
մանա ժառանգներ, շնորհակալություն
հայտնեց նաև նրանց, ովքեր ֆիզիկապես
մեր կողքին չեն, բայց հոգեպես և նյու-
թապես աջակցում են: Եվ ավելացրեց, որ
հարկ եղած դեպքում պատրաստ են նո-
րից կանգնել դիրքերում ու բոլորով միա-
սին փայլուն հաղթանակ կերտեն:
1+1 թերթի խմբագրություն



ԻՆՉՈՒ՞ ԵՔ ԼՈՒԻՍ...
Անձրև է մաղում այս ցուրտ օրերին,
Հոգուս թախիծը անձրևի նման
Կուտակվում, դանդաղ այտիս է թափվում...
Անքնությունս ինչպե՞ս ընդհատեմ,
Ինչպե՞ս մոռանամ ու կարողանամ
Ձոհվող զինվորի դեմքը չհիշել,
Նրա սգավոր մոր ողբը չզգալ
Ու չհեկեկալ նրա հետ մեկտեղ,
Գոնե երազում իր կողքին լինել...:
Ախ, ինչպե՞ս լռել ու չբողավել,
Սուգն ու կսկիծը լռությամբ տանել,
Լռելը որպես արվեստ ընդունել...
Օ՛, դու աշխարհի դաժան հզորներ,
Դուք էլ եք լռում...
Երբ մի ՍՈՒՐԲ ազգ է ձեր աչքի առաջ
Հանում իր հողի ու դավանանքի
Անխնա ջնջվում...
Ինչու՞ եք լռում:
ժանետա Հակոբյան, Կանադա



4 «ՀՀ Քեղարքունիքի մարզի Քեղարքունիք գյուղի
միջնակարգ դպրոց» ՊՈԱԿ
Հասցե՝ Գարեգին Նժդեհի փ. 1
Փոստային դասիչ՝ 1207
Թողարկման օրը՝ 27. 10. 2020 թ.

խմբագիր և համարի պատասխանատու՝ Ռոզա Հակոբյան
Տպագրանակը՝ 1500
Հեռախոս՝ 093919658:
Էլ. փոստ՝ roza.hakobyan.1975@mail.ru
Կայք էջ՝ 1և1.հայ , 1u1.am